



Na osnovu Zaključka Vlade Zeničko-dobojskog kantona o usvajanju Programa utroška budžetskih sredstava od koncesija Ministarstva za privredu u 2023. godini, broj: 02-11-6486/23 od 20.04.2023. godine, te Zaključka Vlade Zeničko-dobojskog kantona o davanju saglasnosti na Uputstvo o postupku i kriterijima za odobravanje i dodjelu sredstava poticaja namijenjenih subvencioniranju troškova i organizacije i izgradnje poslovnih zona na području Zeničko-dobojskog kantona, broj: 02-11-9147/23 od 02.06.2023. godine, Ministarstvo za privredu raspisuje

J A V N I P O Z I V

za prikupljanje zahtjeva za odobravanje i dodjelu finansijskih sredstava namijenjenih subvencioniranju troškova organizacije i izgradnje poslovnih zona na području Zeničko-dobojskog kantona

1. Pozivaju se općine/gradovi, odnosno jedinice lokalne samouprave (u daljem tekstu: JLS) iz Zeničko-dobojskog kantona, koje realizuju projekte pripreme i izgradnje poslovnih zona, da podnesu Zahtjeve za odobravanje i dodjelu finansijskih sredstava osiguranih za subvencioniranje troškova organizacije i izgradnje poslovnih zona.

Poslovne zone su na jedinstven način uređene/neuređene zemljišne površine namijenjene za realizaciju poslovnih aktivnosti, odnosno objekata.

U 2023. godini Vlada Kantona će subvencionirati dio troškova po osnovu Programa II- Opremanje zemljišta komunalnom infrastrukturom unutar poslovne zone.

Izgradnja komunalne infrastrukture unutar poslovne zone podrazumijeva slijedeće aktivnosti: izgradnja, obnova, sanacija ili proširenje komunalne infrastrukture (ceste, plinske instalacije, vodosnabdijevanje, odvod otpadnih voda uključujući nabavku i instalaciju kolektora i prečistača, elektrifikacija, telekomunikacije i sl).

Redovno održavanje komunalne infrastrukture unutar poslovne zone ne može biti predmetom sufinansiranja.

2. Pravo korištenja poticajnih sredstava imaju isključivo JLS Zeničko-dobojskog kantona koje realizuju projekte pripreme i izgradnje poslovnih zona na području Zeničko-dobojskog kantona.

JLS su odgovorne za realizaciju svih predviđenih projektnih aktivnosti, uključujući i preuzimanje finansijskih obaveza.

JLS mogu kandidovati, po ovom javnom pozivu, samo jedan projekat (samo jedna zona).

JLS ne mogu kandidovati stavke projekta koje su već finansirane u sklopu nekog drugog projekta.

Maksimalan iznos poticaja po osnovu Programa II je 100.000,00 KM.

Rok za dostavljanje dokumentacije o utrošku sredstava je 31.03.2024. godine.

JLS mogu sredstvima poticaja, pored izgradnje komunalne infrastrukture unutar poslovne zone, finansirati i izradu table na ulazu u poslovnu zonu koja će sadržavati grb Zeničko-dobojskog kantona, naziv poslovne zone i popis subjekata koji imaju sjedište u poslovnoj zoni, a koji se može mijenjati ukoliko nastane promjena u popisu subjekata.

Sufinansiranje od strane JLS koja podnese zahtjev Ministarstvu je minimalno 10% od ukupne vrijednosti projekta, koja moraju biti raspoloživa i osigurana iz vlastitih i vanjskih izvora finansiranja u vrijeme podnošenja zahtjeva.

3. Uredan zahtjev sadrži: naziv poslovne zone, iznos traženih poticajnih sredstava sa obrazloženjem visine traženih sredstava i svrhe utroška sredstava (budžet projekta), stepen/procentat izgradnje zone u pogledu komunalne infrastrukture unutar poslovne zone, naznaku da li će sredstva utrošiti i za izradu table, iznos sufinansiranja iz vlastitih i vanjskih izvora, očekivane rezultate projekta, potpis načelnika/gradonačelnika i pečat JLS.

Uz zahtjev JLS dostavljaju **original ili ovjerenu kopiju:**

1. Odluke Općinskog/Gradskog vijeća o osnivanju poslovne zone,
2. Odobrenja za građenje po projektnoj dokumentaciji. Ukoliko za predmetne radove, shodno važećim zakonskim propisima, nije potrebno pribaviti odobrenje za građenje, dostavlja se potvrda/uvjerenje nadležnog organa da za navedene radove nije potrebno odobrenje za građenje,
3. Predračun o vrijednosti radova izgradnje komunalne infrastrukture unutar poslovne zone po Glavnom projektu/faze Projekta zone ili potpisan Ugovor o izvođenja radova po Glavnom projektu zone/Faze projekta zone,
4. Dokaz o visini sredstava iz vlastitih i vanjskih izvora (drugi nivoi vlasti) koja moraju biti raspoloživa i osigurana u momentu podnošenja zahtjeva (relevantni ugovori ili odluke o finansiranju, budžet JLS sa odobrenim finansijskim sredstvima na ekonomskom kodu za poslovne zone),
5. Pismo namjere JLS (Prilog I),
6. Upotrebne dozvole za urađene pojedine Faze izgradnje Zone ili realizovane Ugovore o izvođenju radova na izgradnji zone, ukoliko je JLS već ulagala finansijska sredstva u komunalnu infrastrukturu unutar poslovne zone, koje moraju odgovarati iskazanom stepenu/procentu izgradnje zone u zahtjevu. U suprotnom, stepen/procent izgradnje zone će se utvrditi shodno dostavljenim upotrebnim dozvolama ili realizovanim Ugovorima.

Zahtjevi JLS koji ne sadrže sve pobrojane elemente i u čijem prilogu nisu dostavljeni originali ili ovjerene kopije traženih dokumenata se neće uzeti u razmatranje. Navedeno se ne odnosi na dokumente pod rednim brojem 6 ukoliko JLS nije ulagala finansijska sredstva u komunalnu infrastrukturu unutar poslovne zone.

Ministarstvo će uvidom u službenu evidenciju i Registar ugovora o koncesiji provjeriti podatak da li se na području JLS nalazi jedno ili više eksploatacionih polja mineralne sirovine čiji je rad regulisan važećim Ugovorom o koncesiji sa Ministarstvom.

Kriteriji	Maksimalan broj bodova
1. BUDŽET PROJEKTA	50
Jedinica lokalne samouprave (JLS) je za realizaciju projekta osigurala dodatna sredstva iz vlastitih i vanjskih izvora (drugi nivoi vlasti).	
<i>Postotak sufinansiranja u odnosu na vrijednost projekta (10-20)%</i>	20
<i>Postotak sufinansiranja u odnosu na vrijednost projekta (21-30)%</i>	30
<i>Postotak sufinansiranja u odnosu na vrijednost projekta (31-40)%</i>	40
<i>Postotak sufinansiranja u odnosu na vrijednost projekta preko 40%</i>	50
2. STEPEN IZGRADNJE ZONE	40
Veći broj bodova će imati JLS koja ima veći postotak uređenja prostora/površine poslovne zone (uvedenu komunalnu infrastrukturu).	
<i>Stepen izgradnje zone (0-10)%</i>	5
<i>Stepen izgradnje zone (11-20)%</i>	10
<i>Stepen izgradnje zone (21-30)%</i>	20
<i>Stepen izgradnje zone (31-50)%</i>	30
<i>Stepen izgradnje zone preko 50%</i>	40

Kriteriji	Maksimalan broj bodova
3. KONCESIONAR(I) MINISTARSTVA	10
Veći broj bodova će se dodijeliti JLS ukoliko se na području JLS nalaze jedan ili više eksploatacionih polja mineralne sirovine čiji je rad regulisan važećim Ugovorom o koncesiji sa Ministarstvom za privredu Zeničko-dobojskog kantona.	
<i>Na području JLS nema eksploatacionog polja</i>	<i>0</i>
<i>Na području JLS se nalazi jedno eksploataciono polje</i>	<i>5</i>
<i>Na području JLS se nalaze dva i više eksploatacionih polja</i>	<i>10</i>
Ukupan broj bodova:	100

4. Sredstva će se odobravati JLS prema bodovnoj listi sačinjenoj prema Kriterijima, od najvećeg broja na niže, pa do krajnje raspodjele ukupnog raspoloživog iznosa budžetskih sredstava namjenjenih za ovaj poticaj.
U slučaju da zahtjevi više JLS, nakon ocjenjivanja, ostvare isti broj bodova, prednost u odobravanju sredstava poticaja imaju zahtjevi JLS koji su ranije hronološki zaprimljeni.
5. Komisija Ministarstva za privredu, koja će biti formirana Rješenjem ministra Ministarstva, izvršit će pregled pristiglih prijava/zahtjeva po ovom pozivu, te sačiniti Zapisnik i Izvještaj.
6. Na osnovu Izvještaja Komisije, Ministarstvo za privredu predlaže Vladi Kantona donošenje Odluke o odobravanju i dodjeli sredstava poticaja namjenjenih subvencioniranju troškova organizacije i izgradnje poslovnih zona na području Zeničko-dobojskog kantona.
7. Nakon što Vlada Kantona donese Odluku o odobravanju i dodjeli sredstava poticaja namjenjenih subvencioniranju troškova organizacije i izgradnje poslovnih zona na području Zeničko-dobojskog kantona, Ministarstvo za privredu će sa svakom JLS kojoj su odobrena sredstva potpisati pojedinačni Ugovor kojim se regulišu međusobna prava i obaveze te način realizacije odobrenih sredstava.
8. Vlada Kantona može opozvati donesenu Odluku zavisno od dinamike priliva budžetskih sredstava tokom cijele godine.
9. Zahtjeve za odobravanje poticajnih sredstava dostaviti na adresu:

ZENIČKO-DOBOJSKI KANTON
MINISTARSTVO ZA PRIVREDU
KOMISIJA ZA OCJENU ZAHTJEVA ZA ODOBRAVANJE I DODJELU
FINANSIJSKIH SREDSTAVA NAMIJENJENIH SUBVENCIONIRANJU TROŠKOVA
ORGANIZACIJE I IZGRADNJE POSLOVNIH ZONA
NA PODRUČJU ZENIČKO-DOBOJSKOG KANTONA
Kučukovići br. 2
72 000 Zenica

10. Javni poziv će biti objavljen na web-stranici Zeničko-dobojskog kantona (www.zdk.ba) i otvoren 21 dan od dana objavljivanja, odnosno, u razmatranje će se uzeti samo zahtjevi koji budu zaprimljeni na Protokolu Kantona ili predati na poštu najkasnije do 28.06.2023. godine.